



Vischnaunca Tujetsch
Gemeinde Tujetsch

Invitaziun

6. Radunonza dil cussegl da vischnaunca

dil trienni 2014/2017

mesjamna, ils 18 da fevrer 2015, allas 20.00 uras,
ell'aula dalla casa da scola a Sedrun.

Tractandas:

1. Avertura
2. Approbaziun dil protocol nr. 05 dils 21-01-2015
3. Reglament per far diever dallas vias d'ual e da funs cun vehichels a motor
4. Maletg empalont - approbaziun
5. Orientaziuns
6. Varia

Suprastonza communal Tujetsch

Vicepresident communal
André Schmid

Menader center communal
Lucas Collenberg



Vischnaunca Tujetsch
Gemeinde Tujetsch

Cussegl da vischnaunca
2014/2017

Protocol dil cussegl da vischnaunca Tujetsch

Nr. 05-2014/17 dils 21 da schaner 2015

Protocol dil cussegl da vischnaunca Tujetsch

Nr. 05/2014/17 dils 21 da schaner 2015

allas 20.00 uras entochen allas 22.20 uras ell'aula dalla casa da scola a Sedrun

Presidi:	Christian Gieriet	
Actuar:	Lucas Collenberg	
Dumbravuschs:	Otto Curschellas e Sep Aluis Monn	
Presents:	10 cusseglierAs, total 10 votantAs (absolut pli 6)	
Aspectaturs:	5	
Cusseglers:	Armin Albin, Rueas Arno Berther, Surrein Marc Berther, Gionda Diego Curschellas, Gionda Otto Curschellas, Sedrun	Gelgia Deplaz, Rueras Christian Gieriet, Sedrun Sep Aluis Monn, Gionda Severino Solèr, Sedrun Josi Russi, Sedrun
Suprastonza:	André Schmid, genau Christian Albin, genau	Renato Decurtins, genau Mario Hitz, genau
Cumissiu da gestiun:	Norbert Vinzens, Sedrun Toni Monn, Rueras	
Perstgisas:	Franco Curschellas, cusseglier Michel Deragisch, cusseglier	René Epp, cusseglier Guido Friberg, cum. da gestiun

Tractandas:

1. Avertura
2. Approbaziun dil protocol nr. 04 dils 09-12-2014
3. Revisiun totala dalla lescha da pumpiers
4. Revisiun totala dalla lescha da scola
5. Orientaziuns
6. Varia

1. Tractanda Avertura

La 5. radunonza dil cussegl da vischnaunca dil trienni 2014/2017 vegn aviarta entras il president Christian Gieriet cun beneventar tuts presents.

Plaid d'introducziun dil president dil cussegl da vischnaunca:

Il cussegl da vischnaunca ha da tractar la lescha da pumpiers ed igl uorden da scola. Ferton che la lescha da pumpiers sto vegnir suttamessa alla radunonza da vischnaunca, sa il cussegl relaschar igl uorden da scola ed abolir il regulativ da scoletta.

Il president fa menziun digl artechel davart l'intenziun da realisar habitaziuns per seniors (habitar accumpignau) a Mustér, ch'ei cumpariu ella Quotidiana dils 21 da schaner 2015. El ei interessaus vid in'informaziun en caussa.

Il cussegliers Franco Curschellas, Michel Deragisch e René Epp han schau perstgisar. Il suppleants Armin Albin e Marc Berther ein presents.

2. Tractanda Approbaziun dil protocol nr. 04 dils 09-12-2014

Il protocol nr. 04 dils 09-12-2014 vegn approbaus unanimamein.

3. Tractanda Revisiun totala dalla lescha da pumpiers

Introducziun entras geras Renato Decurtins:

Il geras dat entginas informaziuns davart l'obligaziun da far pumpiers ed ils Pumpiers Sursassiala.

La gronda part dils cantuns, incl. il cantun Grischun, enconuscha in'assicuranza da baghetgs cantunala. Tala pretenda che mintga baghetg seigi assicurau obligatoriamein encunter donns elementars (100% dalla valeta nova). Assicurai ein donns da fiug (fiug, fem, cametg, explosiuns, aua da stizzar, aviuns ed auters objects aviatics ni tocca da tals che crodan da tschiel, meteorits ed ulteriurs corpus da tschiel) sco era donns elementars (orcans > 75 km/h, garniala, lavinas, pressiu da neiv, ruttadiras da greppa, bovas, sbuaus, auas grondas, inundaziuns).

Essend ch'ils baghetgs ein segirai entras il cantun, fa quel era certas pretensiuns per il schurmetg da tals. Denter auter vegn era prescret che las vischnauncas stoppien disponer d'in corp da pumpiers. L'organisaziun e las obligaziuns dils pumpiers vegnan descrettas en pliras leschas ed ordinaziuns cantunalas. Il spazi d'agir per las vischnaunca ei fetg restrenschiu.

La corporaziun Pumpiers Sursassiala exista dapi igl onn 2008. Ella dispona da statuts che regleschan l'organisaziun. La suprastanza dalla corporaziun secumpona dad 1 geras da mintga vischnaunca. Las incaricas/cumpetenzas dalla suprastanza ein descrettas egl artechel 7 dils statuts. Denter auter relai ella in reglament da menaschi.

L'obligaziun primara dils Pumpiers Sursassiala ei da procurar per la segirtad da persunas, animals, ambient e baghetgs sin intschéss da Tujesch, Mustér e Medel. Plinavon san ils pumpiers assister allas vischnauncas en autras situaziuns. La basa da pumpiers Sursassiala ha era incaricas cantunalas supplementaras:

- dapi 1997: center d'intervenziun per barschaments d'uaul - Cadi (100% cantun)
- dapi 1999: agid stradal e da viafier - Cadi/Aquacalda (100% cantun)
- dapi 2005: uestonza d'iel e chemia - Rueun (100% cantun)
- dapi 2006: salvaments cun auto-scala – Cadi (50% vischnauncas Cadi, 50% cantun)
- dapi 2012: igl agid da viafier vegn slargiaus sin il tunnel da basa NEAT (50% confederaziun, 50% cantun)

Las vischnauncas finanzieschan il material e las intervenziuns da basa. Il cantun subvenziunescha 32.5% da tut material da basa e 100% da tut material e tuttas intervenziuns cantunalas. La confederaziun metta a disposiziun dus bus da pumpiers cun equipament cumplein (valeta ca. frs. 500'000.00) per las intervenziuns el tunnel da basa dil Gottard (finanziaziun: 66% confederaziun, 33% cantun). Ils cuosts dils Pumpiers Sursassiala muntan a rodond frs. 160'000.00 per onn (frs. 85'000.00 Mustér, frs. 65'000.00 Tujetsch, frs. 15'000.00 Medel).

Survista cuosts da pumpiers vischnaunca Tujetsch / Pumpiers Sursassiala:

onn	expensas	entradas	surpli expensas/ entradas
2004	99'319.05	72'426.80	26'892.25
2005	117'252.70	77'259.05	39'993.65
2006	92'251.40	102'628.60	10'377.20
2007	121'920.45	105'233.10	16'687.35
2008	107'338.10	87'835.50	19'502.60
2009 / corporaziun	161'435.05	96'081.40	65'353.65
2010	85'770.45	63'548.55	22'221.90
2011	111'561.95	76'731.25	34'830.70
2012	61'227.75	72'550.45	11'322.70
2013	74'198.35	53'712.65	20'485.70

Mintga vischnaunca sto haver el liug in cert diember da pumpiers per saver intervegnir enteifer 10 minutas. Ad onn vegnan ils Pumpiers Sursassiala clamai a ca. 30 alarms (60% vischnauncas, 30% cantun/confederaziun, 10% privats). Il corp dumbra niev 85 pumpiers (32 pumpiers specialisai). Mintga pompier sto absolver 10 exerchezis per onn (cader + 5 exerchezis, agid stradal + 3 exerchezis, uestonza ieli e chemia + 3 exerchezis, tunnel + 5 execzis).

Per cass d'accident durant il survetsch ei la gronda part dils pumpiers segirai sur il patrun da lavur ni la segirada da malsogna. Per quei motiv fa ei buca senn da segirar aunc inaga entras ils Pumpiers Sursassiala. Per cass specials exista la pusseivladad da segirar sur la „Hilfskasse“.

La participaziun dils pumpiers tuatschins als exerchezis ei per part fetg munglusa. L'assicuranza da baghetgs ha communicau ch'ella vegni a strihar prestaziuns en cass da donn, sche quella situaziun se megliuri buca.

Debatta d'entrada:

Cusseglier Severino Solèr ei cunscients ch'igl ei in'obligaziun da prestar survetsch da pumpiers. Il svilup suenter la fusiun dils pumpiers ella Sursassiala metta el denton en damonda. Ei seigi vegniu rimnau in-

caricas supplementaras, senza ponderar ch'ei setracti tiels pumpiers d'in sistem da melissa. Entras quei svilup seigien biars pumpiers sedistanziai dils pumpiers e hagian per part era buca pli visitau ils exerchezis. Ei seigi falliu da mo dar la cuolpa als pumpiers che visetan buca ils exerchezis. L'entira organisaziun stoppi vegnir messa en damonda. Probabel fussi la participaziun era buca stada megliera avon onns tier in tal diember d'exerchezis.

Disturbont seigi era ch'il reglament da menaschi 2015 seigi vegnius spediut als pumpiers avon che la nova lescha da pumpiers ei approbada entras tuttas vischnauncas. Ils castitgs per exerchezis munchentai seigien vegni augmentai da frs. 40.00 sin frs. 80.00. Plinavon vegni ei mo pli acceptau pestgisas en cass da malsogna/accident, greva malsogna/mortori en famiglia ni survetsch militar/civil. Tut las autras absenzas vegnien buca acceptadas, era buca talas pervia dalla lavur, da scolaziuns ni activitads politicas. El hagi il sentiment ch'ins hagi giu in schliet uorden ils davos onns e stoppi ussa vegnir pli stregns. Ei seigi era fetg selectiv tgi che stoppi prestar survetsch e tgi che vegni deliberaus. Risguardond il sistem da melissa seigi ei grev da capir daco ch'il diember da pumpiers vegni reducius.

La lescha sco tala metti el buca en damonda, denton vegnessi el buca pli a sustener ina fusiun. Alla sup-rastonza communal appelllescha el da s'engaschar per il singul pumpier cun dar la necessaria peisa al fatg ch'ei setracti tiels pumpiers aunc adina d'in sistem da melissa.

Cussegliera Gelgia Deplaz sedamonda sche mintga vischnaunca hagi in'atgna lescha ni sche quella seigi la medema en tuttas treis vischnauncas.

Tenor gerau Renato Decurtins stoppi mintga vischnaunca haver in'atgna lescha da pumpiers. Tala seigi denton la medema en tuttas treis vischnauncas. Concernent las explicaziuns da cusseglier Severino Solèr constatescha el che surtut persunas che seigien duront il di buca en vischnaunca e talas che hagian disturbau ils exerchezis seigien vegnidas deliberadas dil survetsch da pumpiers. Quei vegli denton buca dir che talas sappien buca vegnir clamadas pli tard, sche quei seigi necessari. La reduziun sin 85 pumpiers seigi era succedida per motivs da cuosts

Cusseglier Sep Aluis Monn fa menziun dil fatg ch'igl um vegnevi deliberaus dil survetsch da pumpiers sche la dunna eri engaschada tiels samaritans. El vul saver sche quei seigi era cun la nova lescha aschia.

Tenor gerau Renato Decurtins vegni quei era ad esser il cass egl avegnir.

Tractaziun dalla lescha:

Cusseglier Armin Albin beneventa ch'il cuoz dall'obligaziun da far pumpiers sedrezza buca pli tenor la vegliadetgna dil partenari giuven mobein tenor la vegliadetgna dalla persuna cul gudogn principal.

Tenor cusseglier Arno Berther vegnien persunas cun in impediment corporal e talas cun ina menda spir-tala tractadas tuttina cun la lescha da pumpiers veglia (deliberaziun sil survetsch da pumpiers e dalla taxa da cumpensaziun). La nova lescha (art. 4 e 5) prevedi da deliberar persunas cun ina menda spirtala dall'obligaziun da prestar survetsch da pumpiers e dalla taxa da cumpensaziun. Persunas cun in impediment corporal vegnien mo deliberads dil survetsch da pumpiers e buca dalla taxa da cumpensaziun. El ei dil meini che quellas pesunas stoppi vegnir tractadas tuttina. Ei vali in principi dall'egualitad, dil qual ei sappi mo vegnir sviau cun buns motivs. En autras vischnauncas vegni ei era buca differenziau denter quellas duas categorias.

Cusseglier Arno Berther fa la proposta da deliberar schibein persunas cun in impediment corporal sco talas cun ina menda spirtala dil survetsch da pumpiers e dalla taxa da cumpensaziun.

Gerau Renato Decurtins fa menziun dil prighel ch'ei savessi vegnir empruau da survegnir in attestat dil miedi per buca stuer pagar la taxa da cumpensaziun el cass d'impediments corporals. Plinavon sappi ei

era esser ch'ina tala persuna sappi tuttina prestar survetsch da pumpiers en in cert sector. Medemamein seigi la taxa da cumpensaziun era ina contribuziun per il schurmetg entras ils pumpiers, e da quel profiteschien era persunas cun in impediment corporal.

Votaziun:

Il cussegl da vischnaunca decida unanimamein da deliberar schibein persunas cun in impediment corporal sco talas cun ina menda spirtala dil survetsch da pumpiers e dalla taxa da cumpensaziun.

Cusseglia Gelgia Deplaz sedamonda daco ch'emprendists e students vegnien buca deliberai dalla taxa da cumpensaziun.

Tenor genau Renato Decurtins seigi ei reglau egl artechel 15 che students ed emprendists entochen 25 onns stoppien pagar negina taxa da cumpensaziun.

Cusseglia Arno Berther disturba la formulaziun digl artechel 10. Tenor quel pretendi la corporaziun che persunas che prestan survetsch seigien segiradas commensuradamein encunter consequenzas dad accidents e malsognas. El seigi dil meini che la corporaziun stoppi procurar per ina segirada adeguata. Cusseglia Arno Berther fa la proposta da remplazzar il plaid "pretenda" entras "procura".

Gerau Renato Decurtins menziunescha che quasi tut ils pumpiers seigien segirai commensuradamein, u entras il patrun da lavur ni entras la segirada da malsauns. En cass specials detti ei la pusseivladad da segirar entras la "Hilfskasse". Per quei motiv fetschi ei buca senn da segirar supplementarmein ils pumpiers entras la corporaziun.

Cusseglia Diego Curschellas parta il meini dad Arno Berther. En cass specials (buca segirau sur patrun da lavur ni segirada da malsauns) stoppi la corporaziun procurar per ina segirada adeguata.

Tiegl artechel 10 vegn il plaid "pretenda" remplazzaus entras il plaid "procura", sco proponiu da cusseglier Arno Berther.

Cusseglia Arno Berther constatescha che la multa maximala en cass da cuntravenziuns dalla lescha seigi vegnida augmentada sin frs. 1'000.00. Quei seigi in'aulta summa ed el sedamondi sche quella mesura hagi in effect positiv sin la disciplina dils pumpiers. El speri che la supraponza dalla corporaziun seigi raschuneivla.

Votaziun finala:

Il cussegl da vischnaunca approbescha cun 9 encunter 1 vusch la revisiun totala dalla lescha da pumpiers per mauns dalla radunanza da vischnaunca.

4. Tractanda Revisiun totala dalla lescha da scola

Introducziun entras genau Mario Hitz:

Ils 21 da mars 2012 ha il cussegl grond approbau la revisiun totala dalla lescha da scola cantunala. La Regenza ha sina quei mess en vigur la nova lescha sin l'entschatta digl onn da scola 2013/2014 (1. d'uost 2013). Sin basa da quella ha la supraponza communal encargau ina gruppa da lavur da reveder

la lescha da scola communal. Niev setracta ei d'in uorden da scola che sa vegnir approbaus entras il cussegl da vischnaunca. Damai che la lescha e l'ordinaziun cantunala regleschan gia fetg bia, ei il spazi d'agir per la vischnaunca plitost pigns. Las midadas da muntada ein vegnidas descrettas el messadi.

Tractaziun:

Cusseglia Gelgia Deplaz sedamonda sche la lescha da scola vertenta vegni abolida.

Tenor gerau Mario Hitz vegni la lescha da scola vertenta remplazzada entras il niev uorden da scola. Il regulativ da scoletta sappi medemamein vegnir abolius.

Cusseglia Arno Berther ha plascher che la nova lescha lubescha da far purschidas da timeout (art. 5). Purschidas en quei sector sappien esser ina schanza per nossa scola. Ei vali da sclarir tgei pusseivladads ch'ei detti en quei sector.

Sin proposta da cusseglier Arno Berther vegn la formulaziun dall'alineia 2 digl artichel 11 formulada sco suonda: En cass da paritad dallas vuschs decida il president cun vusch da tagli.

Cusseglia Severino Solèr constatescha ch'il cussegl da scola sappi decider davart purschidas supplementaras per affons da lungatg jester (art. 12 al. 2 p. 4). El sedamonda sche quellas purschidas serestrenschien sin ils affons da lungatg jester ni sch'ei vegni era dau sustegn ad affons da famiglias bilingas che han difficultads cul lungatg.

Tenor gerau Mario Hitz retscheivien ils affons da lungatg jester gia en scoletta in'instrucziun da lungatg. Sustegn retscheivien denton era ils auters affons cun difficultads en in sector ni l'auter. Medemamein hagian ils talents il dretg da vegnir promovì.

Cusseglia Otto Curschellas constatescha ch'il cussegl da scola sappi elegier e relaschar las personas d'instrucziun (art. 12 al. p. 14). Entochen dacheu erien il cussegl da scola e la suprastanza communal responsabels comunablamain.

Tenor gerau Mario Hitz corrispundi l'elecziun e la relaschada dallas personas d'instrucziun entras il cussegl da scola allas ordinaziuns cantunalas. Il cussegl da scola seigi il pli datier dallas personas d'instrucziun e dueigi perquei haver quella cumpetenza.

Cusseglia Gelgia Deplaz fa menziun dils transports da scolars. Tenor art. 12, al. 2 p. 20 seigi il cussegl da scola responsabels per l'organisaziun digl urari e la survegionza dils transports da scolars. Ei maunchi denton la stipulaziun ch'il cussegl da vischnaunca seigi cumpetents da decider davart la dimensiun dils transports (tgei scolars vegnan transportai), sco quei seigi actualmein il cass. Cusseglia Gelgia Deplaz fa la proposta da cumpletar igl uorden da scola cun quella cumpetenza dil cussegl da vischnaunca.

Tenor gerau Mario Hitz vegni la suprastanza communal a cumpletar igl uorden da scola sco proponiu da cusseglier Gelgia Deplaz.

Tenor art. 12 al. 2 p. 19 decidan il cussegl da scola e la suprastanza communal comunablamain davart metter ensemen ni separar classas e la purschida da roms facultativs. Cusseglia Severino Solèr fa la proposta da surdar quella cumpetenza mo al cussegl da scola.

Gerau Mario Hitz fa attent che decisiuns en quels secturs hagian era ina componenta finanziaria, e per las finanzas seigi la suprastanza communal responsabla. Per quei motiv beneventassi el sch'igl artechel vegnessi buca midaus.

Votaziun:

Il cussegl da vischnaunca decida cun 9 encunter 1 vusch da buca midar il punct 19 digl artechel 12 sco proponiu da cusseglier Severino Solèr.

Votaziun finala

Il cussegl da vischnaunca

- a) approbescha unanimamein il niev uorden da scola per la vischnaunca Tujetsch**
- b) abolescha unanimamein il regulativ da scoletta per la vischnaunca Tujetsch dils 8 da matg 2005**

5. Tractanda Orientaziuns

Vicepresident communal André Schmid:

Plans per ina residenza da seniors a Mustér

Sco ins ha saviu leger ella Quotidiana dils 21 da schaner 2015 han investurs privats l'intenziun da realisar a Mustér rodond 20 habitaziuns per seniors e famiglias sin terren dalla vischnaunca e dalla pleiv.

Alla suprastanza communal era enconuscent che la vischnaunca da Mustér ha previu en siu plan d'activitads da sustener iniziativas privatas per ina residenza da seniors. A Sedrun preveda la Fundaziun PUNTREIS d'ereger ina residenza per seniors. Quei project ei vegnius actuals suenter che la vischnaunca da Tujetsch ha decidiu da dister d'ina atgna casa da tgira cun 17 letgs ed otg stanzas per seniors. Quella decisiun ei curdada suenter ch'il cantun ha revidiu il concept cun il diember da letgs necessaris da tgira per Sursassiala. Oriundamein prevedeva il cantun per la regiun numnadamein 72 letgs da tgira, ussa aunc 58. Sco cumpromiss per quei conclus ei vegniu decidiu d'ereger a Sedrun ina residenza per seniors. La fundaziun ha incaricau ina cumissiun cun l'elavuraziun dils detagls persuerter. Dapresent occuorra la concorrenza d'architectura. Entochen ils 30 da mars 2015 han ils projects da vegnir inoltra.

La decisiun dalla vischnaunca da Tujetsch ei stada en favur digl entir sistem cun casa da tgira a Mustér e residenza da seniors a Sedrun. La residenza ei vegnida empermessa. Ei ha duvrau bia per perschuauder vischinas e vischins da quella soluziun. La situaziun che seprenta ussa ei difficila e pertuccada era la credibladad dils organs involvi.

Problematica ei la rolla dubla dalla vischnaunca da Mustér. D'ina vart ei quella involvida ella fundaziun, da l'autra vart sustegn ella ina residenza da seniors a Mustér. Sch'il project a Mustér havess da haver consequenzas negativas sil project a Sedrun, caschunass quei fetg gronda critica. Omidus projects vegnan il medem mument sin meisa. Cheutras sedat ina situaziun da concorrenza. Da principi duess ins realisar la residenza a Sedrun ed en cass da basegns da plazs per talas habitaziuns, savess ina ulteriura residenza a Mustér ni Medel suandar.

6. Tractanda Varia

Cusseglier Severino Solèr fa menziun dalla brev da lecturs ch'ei stada publicada ella Tuatschina en connex cul maletg empalont. El seigi surstaus dil cuntegn da quella e vegli saver sche las posiziuns che vegnien inoltradas durant la fasa da consultaziun vegnien risguardadas dafertontier.

Tenor il vicepresidente communal vegnien las posiziuns rimnadas e silsunter risguardadas. La versiun cun las adattaziuns sin fundament dalla consultaziun vegni suttamessa al cussegl da vischnaunca per approvaziun.

Cusseglier Severino Solèr fa menziun dils plans dalla MGB da sanar la punt da Val Strem. Tenore el fussi ei in grond giavisch dad haver ina senda da viandar che meina naven da Bugnei tochen Dieni perliung dalla lingia da viafier. Perquei fussi ei d'engrau da plazzar tier la MGB il giavisch da realisar ina passarella sur la punt che vegn renovada.

Il vicepresidente communal sustegn l'idea da Severino Solèr. La suprastanza communal vegni a contactar la MGB en caussa.

Cusseglier Josi Russi plidenta la nova lescha turistica. Tala frunti sin fetg gronda critica tier ils proprietaris da habitaziuns secundars. Per part seigien las renfatschas massivas. Ch'augmenta da taxas seigien buca attractiv e caschunien discussiuns seigi buca d'evitar. Il clima seigi denton il mument fetg schliats. Per demussar la renconuschientscha enviers nos hosps seigi el dil meini da porscher enzatgei a quels. El supplicheschi la vischnaunca e Sedrun Mustér Turissem da ponderar dad envidar ils proprietaris da habitaziuns secundaras al concert da Nadal dall'Opera Viva che ha liug ils 29 da december 2015 a Sedrun.

Il vicepresidente communal sa confirmar ch'ei hagi dau fetg biaras reacziuns davart dils proprietaris da habitaziuns secundaras. La vischnaunca hagi priu posiziun sin mintga cass. Impurtont seigi da saver comunicar ton pli spèrt tgei purschidas supplementaras che vegnan integradas ella carta da hosps. L'idea d'envidar ils hosps al concert dall'Opera Viva prenda la suprastanza communal encunter. Ei basegni denton entgins sclariments. Il plaz en baselgia a Sedrun seigi numnadamein limitaus.

Cusseglier Arno Berther fa menziun dalla presentaziun dil candidat per il presidi communal. Sin fundament da quella e dils rapports ella medias hagi il pievel saviu far in maletg da signur Roeschlin. Ei seigi in novum per la vischnaunca Tujetsch ch'ins hagi stuiu ir alla tscherca d'in candidat cun agid d'in inserat e ch'il president communal vegni ad esser da lieunga tudestga. Ins stoppi esser leds dad haver anflau in candidat. La vischnaunca Tujetsch resti denton ina vischnaunca romontscha e hagi perquei l'obligaziun da duvrar il lungatg romontsch. Schizun la lescha cantunala obligheschi da menar las radunonzas da vischnaunca per romontsch. Ei setracti d'ina situaziun speciala, tonaton vali ei dad esser proactiv e ponderar co proceder concernent il lungatg durant il temps cun in president communal da lieunga tudestga. Per quei motiv supplicheschi el la suprastanza communal da far ponderaziuns davart il reschim linguistic en quei cass special.

La proxima radunonza dil cussegl da vischnaunca ha liug ils 18 da fevrer 2015.

Il president Christian Gieriet siara la radunonza.

Actuar:
Lucas Collenberg

President:
Christian Gieriet



Vischnaunca Tujetsch
Gemeinde Tujetsch

Cussegl da vischnaunca
01-2014/2017

Reglament per far diever dallas vias d'uaul e da funs cun vehichels a motor

Vischnaunca Tujetsch

Messadi

dalla suprastonza communal a al cussegl da vischnaunca

Preziau president
Preziada cussegliera
Stimai cussegliers

1. Introducziun

Uauls da schurmetg

La vischnaunca da Tujetsch ei en possess da biabein 1'055 ha uaul productiv (senza uaul da draussa). Da quella surfatscha ein 750 ha vegnidas taxadas entras il cantun igl onn 2012 sco uaul cun funcziun particulara da schurmetg. Quels uauls protegian nos vitgs, nossas vias, la viafier ed ulteriura infrastruc-tura da differents prighels dalla natira sco lavinas, curdada da crappa e bovas. La tgira da nos uauls da schurmetg ei indispensabla per saver garantir a liunga vesta uauls intacts che adempleschan las preten-siuns concernent il schurmetg.

Vias d'uaul

Per saver exequir la tgira da nos uauls a moda e maniera efficiente ed economica basegna ei ina avertu-ra minimala da basa accessibla cun vehichels moderns da raccolta e da transport. Tala avertura ei ve-gnida construida per nossa vischnaunca per la gronda part gia avon plirs decennis. Oz dispona la vischnaunca da Tujetsch d'ina reit da vias d'uaul bein mantenida cun ina lunghezia totala da varga 22 km.

La realisaziun da quellas vias ei denton stada pusseivla mo grazia al generus sustegn finanziel da can-tun e confederaziun. Cantun e confederaziun segidan era oz finanzielmein tier il manteniment periodic (manteniment suenter rodond la mesadad dalla durada da veta d'ina avertura). Aschia ha la vischnaunca saviu realisar el decuors dils davos onns las suandontas sanaziuns da vias d'uaul:

<i>via d'uaul</i>	<i>construcziun [onn]</i>	<i>cuosts totals [frs.]</i>	<i>subvenziuns [frs.] [%]</i>		<i>cuosts restonts [frs.]</i>
Bugnei	2013/14	144'636.00	91'121.00	63	53'515.00
Cungieri	2011	92'334.00	56'323.00	61	36'011.00
Cavorgia	2010/11	157'451.00	97'620.00	62	59'831.00
Scharinas	2009/10	763'253.00	419'799.00	55	343'454.00
Surrein	2007/08	262'193.00	117'986.00	45	144'207.00
Total		1'419'867.00	782'849.00	55	637'018.00

Regulativ per far diever dallas vias d'uaul

Las basas legalas dil regulativ per far diever da vias d'uaul ein d'anflar en la legislaziun cantunala davart igl uaul (LCU). Tenor art. 34 LCU astga vegnir fatg diever dallas vias d'uaul senza lubientscha per in-tents forestals ed agricols sco era per ademplir incumbensas publicas (al. 1). Las vischnauncas san lubir ulteriuras excepziuns e suttametter quellas ad in'obligaziun da dumandar per lubientscha (al. 2).

Tgei vias valan sco vias d'uaul? – Vias d'uaul ein vias, per la construcziun u l'amplificaziun dallas qualas la confederaziun ed il cantun han pagau contribuziuns forestalas (art. 26 dall'ordinaziun cantunala davart igl uaul, OU).

Sin basa dalla legislaziun davart igl uaul citada eis ei pia caussa dalla vischnaunca da reglar las ex-cepziuns dil scamond da carrar sin vias d'uaul el rom d'in relasch (regulativ) communal. Il regulativ ac-tual dalla vischnaunca datescha digl onn 1999 e corrispunda mo per part alla legislaziun cantunala. Il diever sa succeder oz per gronda part libramein, v.d. senza restricziuns. Il diever basegna actualmein

per gronda part negina lubientscha. Quei fatg ei buca cumpatibels cun las determinaziuns dil dretg forestal. Cun scriver dils 13 da december 2012 digl Uffeci d'ual e prighels dalla natira ei la vischnaunca vegnida orientada giudlunder. Novs projects per sanaziuns da vias sco d'entochen ussa ein mo lu pusseivels, sch'il reglament actual vegn adattaus alla legislaziun vertenta. Autruisa ei da quintar ch'ei vegn el futur buca entrau sin damondas da contribuziuns per construcziuns ni amplificaziuns da vias d'ual.

Las ulteriuras vischnauncas dalla Surselva, denter auter era las vischnauncas vischinontas da Medel/Lucmagn (reglament dil 2007) e Disentis/Mustér (reglament dil 2011) han gia reglau il diever dallas vias d'ual conform alla lescha cantunala.

2. Construcziun e sanaziun da vias d'ual previdas per ils proxims onns

Via uaul Camischolas: Ina nova avertura ei sulettamein aunc previda per igl uaul da Camischolas. Cun ina prolungaziun dalla via d'ual Flurin sin in tschancun da rodund 330m entochen tier igl ur digl Uaul Camischolas duei quei uaul da schurmetg vegnir aviarts. La realisaziun ei previda el decuors dils onns 2015/16. Ils cuosts vegnan schazegiai a frs. 430'000.00.

Sanaziun via Sutseivs – Tgom: Enconuschentamein ei la via veglia che meina naven da Sutseivs sil Tgom en in fetg schliet stan. Quei tschancun ei mai vegnius sanaus. Ils mirs schetgs da sustegn da vart sut dattan en differents loghens ensemen e smanatschan da curdar a val. Aschia porschan els negin sustegn per la via ed in prighel per personas e vehichels da vart sut. Era vegnan ils pégnas da quei uaul cun funcziun particulara da schurmetg donnegiai entras la crappa e daventan aschia instabils.

Per motivs da segirtad ei gia igl onn 2002 vegniu installau in scamond official da carrar sin quella via. Ina sanaziun da quei tschancun ei actualmein pli che necessaria. Ina realisaziun ha muort autra priorisaziun stuiu vegnir spustada. La suprastanza communal ha denton decidiu igl onn 2012 d'inoltrar al cantun in project per ina sanaziun. Ils cuosts totals ein calculai cun frs. 700'000.00.

Contribuziuns: Tier omisdus projects menziunai quenta la vischnaunca – cundiziunau l'approbaziun dil niev regulativ per far diever dalla vias d'ual cun vehichels a motor – cun in sustegn finanziel dil cantun da mintgamai rodund 63% dils cuosts totals. Per la construcziun dalla via nova egl Uaul Camischolas muntass quella compart contribuziuns cantunalas ella summa da rodund frs. 285'000.00, tier la sanaziun dalla via Sutseivs – Tgom da rodund frs. 440'000.00. Senza quellas contribuziuns ein las investiziuns numnadas muort ils aults cuosts buca realisablas.

3. Niev regulativ

Sin fundament dil scriver digl Uffeci d'ual e prighels dalla natira ha il cussegl da vischnaunca elegiu la primavera vargada ina cumissiun per surluvrar il regulativ actual. Alla cumissiun han las suandontas personas priu part:

- André Schmid, gerau
- Baseli Huonder, representant interess agricols
- Severino Solèr, cusseglier communal
- Theo Berther, representant interess da catscha
- Adrian Deragisch, selvicultur communal

La cumissiun ei vegnida sustenida e cussegliada entras igl inschignier forestal regional, Renaldo Lutz. Aschia ha denter auter saviu vegnir garantir ch'il niev regulativ cunterfa buca a leschas surordinadas.

Consequenzas tier ina refusada dil niev regulativ

Resumond sa la vischnaunca da principi definir sin basa dalla legislaziun cantunala davart igl uaul las excepziuns dil scamond da carrar sin vias d'uaul el rom d'in relasch communal. Il relasch communal sto esser cumpatibels cun las determinaziuns dil dretg forestal surordinau. Ina incompatibilitad fuss denter auter avon maun, sch'ina via d'uaul vegness aviarta senza restricziun per tut traffic. En consequenza vegness aschia ina via buca pli en favur da contribuziuns cantunalas per construcziuns ni amplificaziuns. Ils cuosts stuess la vischnaunca cuvierer completamein ord atgna cassa.

4. Proposta

Sebasond sin las suranumnadas ponderaziuns

propona

la suprastonza communal al cussegl da vischnaunca

d'approbar il reglament per far diever dallas vias d'uaul e da funs cun vehichels a motor per mauns dalla radunonza da vischnaunca.

Suprastonza communal Tujetsch



Vicepresident communal
André Schmid



Menader center communal
Lucas Collenberg

Aschunta:

Reglament per far diever dallas vias d'uaul e da funs cun vehichels a motor



Vischnaunca Tujetsch
Gemeinde Tujetsch

Cussegl da vischnaunca
02-2014/2017

Maletg empalont - approvaziun

Vischnaunca Tujetsch

Messadi

dalla suprastanza communal al cussegl da vischnaunca

Preziau president
Preziada cussegliera
Stimai cussegliers

1. Introducziun

Naven dils 23 da december 2014 entochen ils 23 da schaner 2015 ha la procedura da participaziun concernent il maletg empalont dalla vischnaunca Tujetsch giu liug. El rom da quella procedura ha mintgina e mintgin giu la caschun da prender posiziun tiel sboz dil maletg empalont, il qual ei vegnius elaboraus durant sis luvratoris (workshops) entras la populaziun ed ei silsunter vegnius purificaus entras la suprastanza communal ed il cussegl da vischnaunca.

2. Posiziuns

Eifer il temps numnau ei vegniu inoltrau en tut tschun posiziuns. Treis derivan da proprietaris da casas resp. habitaziuns da vacanzas e duas da persunas cun domicil en vischnaunca.

Las suandontas supplicas resp. ils suandonts giavischs per adattaziuns ni completaziuns ein vegni piazzai:

Nr.	Tema	Supplicas, giavischs per adattaziuns ni completaziuns
1.	Turissem (pagina 10)	In grond giavisch dils proprietaris da casas resp. habitaziuns da vacanzas ei da vegnir integraus ellas discussiuns e decisiuns che pertuccan il svilup dalla vischnaunca.
2.	Turissem (pagina 11)	In directur da turissem en piazza cumpleina che muossa era preschientscha el liug duei esser la finamira. La situaziun hodierna po buca cuntentar.
3.	Ambient (pagina 16)	La mesira “Überprüfung der Grösse der Wildruhezonen bzw. der Schaffung von Korridoren” (prioritad 4) duei, sin fundament dil meini dil pievel e dall’impurtonza pil turissem, haver ina pli aulta prioritad.
4.	Socialesser (pagina 17)	En Tujetsch dat ei paucas habitaziuns da grondezia ed infrastruttura per famiglias. Forsa fuss ei d’engrau che la vischnaunca susteness la realisaziun da spazi da habitar per famiglias. Pusseivels fussen models da cooperaziun denter il maun public ed interessents privats.
5.	Cundiziuns da rama (pagina 20)	La muria da stizuns ei da disavantatg per l’attractivitat dil liug. Ei setschenta la damonda schebein la vischnaunca duei sclarir pusseivladads da sustegn en favur dalla diversitad da stizuns el liug.
6.	Cundiziuns da rama (pagina 20)	La mesira “Prüfung von Möglichkeiten zum Outsourcing von Gemeindeaufgaben” (prioritad 4) duei haver ina pli aulta prioritad.
7.	Cundiziuns da rama (pagina 20)	La mesira “Unternehmerbefragung” (prioritad 3) duei haver ina pli aulta prioritad.

8.	Vischnaunca sco organisa-ziun (pagina 23)	A caschun dils luvratoris ei in fusiun vegnida taxada sco buca giavischada il mument (prioritad 3). Tuttina ha il cussegl da vischnaunca dau ina pli aulta prioritad alla mesira “Abklärungen bzgl. einer Gemeindefusion in der Sursassiala/Cadi” (prioritad 2). Quella mesira duei haver la prioritad 3, sco giavischau dil pievel.
----	--	--

3. Propostas dalla suprastanza communal

Sin fundament dallas suranumnadas posiziuns fa la suprastanza communal las suandontas propostas:

Nr.	Tema	Proposta dalla suprastanza communal
1.	Turissem (pagina 10)	El maletg empalont stat scret che la vischnaunca seigi aviarta per ils basegns dils proprietaris da habitaziuns secundaras e s’interesseschi per lur meini. In’integraziun da quella gruppa d’interess ellas discussiuns e decisiuns davart il svilup dalla vischnaunca ei denton mo pusseivla en ina moda e maniera che fa senn, sch’ils proprietaris da habitaziuns da vacanzas s’organiseschan. Ei basegna ina persuna da contact resp. ina suprastanza, che representa ils interess dils hosps e cun la quala la vischnaunca sa comunicar. Anflar resp. evaluar la dretga fuorma d’organisaziun ei il pensum dalla gruppa d’interess. La vischnaunca sustegn denton quei process.
2.	Turissem (pagina 11)	La suprastanza da Sedrun Mustér Turissem (SMT) ei responsabla per igl engaschament e la fixaziun dil pensum da lavur dil directur da turissem. La suprastanza communal ei dil meini, ch’ei seigi buca d’engrau da francar el maletg empalont la pretensiun d’engaschar in directur cun pensum cumplein. Ei setracta d’ina causa operativa, davart la quala SMT sto decider en atgna responsabladad, cun mintgamai risguardar ils fatgs actuals. Proposta: La pretensiun d’engaschar in directur da turissem cun pensum cumplein duei buca vegnir risguardada el maletg empalont.
3.	Ambient (pagina 16)	Sin fundament dall’impurtonza per il turissem parta la suprastanza communal il meini da dar ina pli aulta prioritad alla mesira “Überprüfung der Grösse der Wildruhezonen bzw. der Schaffung von Korridoren” (prioritad 4). Proposta: Midar la prioritad dalla mesira “Überprüfung der Grösse der Wildruhezonen bzw. der Schaffung von Korridoren” da 4 sin 2.
4.	Socialesser (pagina 17)	A caschun dils luvratoris eis ei buca vegniu discussiunau explicitamein, che la vischnaunca dueigi sustener resp. procurar per habitaziuns per famiglias. Sco principi ei francu el maletg empalont il suandont: “Eine Strategie zur Ansiedlung von Einwohnern/Steuerzahlern wird aufgrund der peripheren Lage und des regionalen Arbeitsplatzangebots als nicht zielführend beurteilt”, denton “flankierende Massnahmen, die die Qualität des Wohnstandorts verbessern, sollen gezielt geprüft werden”.

		CorrISPudent al numnau principi eis ei il pensum dalla vischnaunca da procurar ch'il liug da habitar resti attractivs (cundiziuns da rama). La suprastonza communal ei dall'oppiniun, che la realisaziun da spazi da habitar per famiglias duei restar in pensum dall'interessenza privata. La vischnaunca duei sustener tals projects el rom da sias pusseivladads, denton buca cun contribuziuns d'investiziun. Proposta: In sustegn dalla realisaziun da spazi da habitar per famiglias entras contribuziuns finanzialas dalla vischnaunca duei buca vegnir risguardaus el maletg empalont.
5.	Cundiziuns da rama (pagina 20)	Igl ei indiscutabel, che la muria da stizuns ha in effect negativ sin l'attractivitat d'in liug. Contribuziuns finanzialas dalla vischnaunca per mantener las structuras actualas ein denton buca la dretga mesira. La suprastonza communal beneventa perencunter da sclarir autras pusseivladas da sustegn (cundiziuns da rama). Proposta: Cumpletar la tiarza directiva sin pagina 20: "Zur Förderung des einheimischen Handels und Gewerbes...". Plinavon duei la gliesta da mesiras/projects vegnir cumpletada cun il punct "Prüfen von Unterstützungsmöglichkeiten (keine finanziellen Beiträge) für den Erhalt bzw. das Schaffen eines diversifizierten Ladenangebots" cun prioritad 3 e responsablada tiel cussegl da vischnaunca.
6.	Cundiziuns da rama (pagina 20)	La suprastonza communal sa s'accordar da dar alla mesira "Prüfung von Möglichkeiten zum Outsourcing von Gemeindeaufgaben" (prioritad 4) ina pli aulta prioritad. Proposta: La prioritad dalla mesira "Prüfung von Möglichkeiten zum Outsourcing von Gemeindeaufgaben" duei vegnir midada da 4 sin 3.
7.	Cundiziuns da rama (pagina 20)	La suprastonza communal parta buca il meini da dar alla mesira "Unternehmerbefragung" (prioritad 3) ina pli aulta prioritad. Igl ei primarmein il pensum dils interprediders da s'organisar e far valer lur interess enviers la vischnaunca. Proposta: La prioritad dalla mesira "Unternehmerbefragung" duei buca vegnir midada.
8.	Vischnaunca sco organisa-ziun (pagina 23)	La suprastonza communal ei - sin fundament dallas discussiuns a caschun dils luvratoris - era dil meini, che la prioritad 3 per la mesira "Abklärungen bzgl. einer Gemeindefusion in der Sursassiala/Cadi" seigi commensurada. Proposta: La prioritad dalla mesira "Abklärungen bzgl. einer Gemeindefusion in der Sursassiala/Cadi" duei vegnir midada da 2 sin 3.

4. Proxims pass

Suenter l'approbaziun dil maletg empalont entras il cussegl da vischnaunca vegn quel translataus, formataus e repartius (casadas, fatschentas, partenaris eav.).

5. Proposta

Sebasond sin las suranumnadas ponderaziuns

propona

la suprastonza communal al cussegl da vischnaunca

d'approbar il maletg empalont per la vischnaunca Tujetsch.

Suprastonza communal Tujetsch



Vicepresident communal
André Schmid



Menader center communal
Lucas Collenberg

Aschunta:

Maletg empalont

- - -

Botschaft zum Leitbild in deutscher Sprache:

1. Einleitung

Vom 23. Dezember 2014 bis am 23. Januar 2015 fand die Mitwirkungsaufgabe zum Leitbild der Gemeinde Tujetsch statt. Im Rahmen dieses Verfahrens hatte jedermann/-frau die Möglichkeit zum Leitbildentwurf, der in sechs Workshops durch die Bevölkerung erarbeitet und anschliessend durch den Gemeindevorstand und das Gemeindeparlament bereinigt wurde, Stellung zu nehmen und seine Anliegen anzubringen.

2. Stellungnahmen

Innert der genannten Frist wurden insgesamt fünf Stellungnahmen eingereicht, wovon drei von Ferienwohnungs- bzw. Ferienhauseigentümern und zwei von in der Gemeinde wohnhaften Personen stammen.

Folgende Anliegen bzw. Änderungs-/Ergänzungswünsche wurden angebracht:

Nr.	Themenbereich	Anliegen, Änderungs-/Ergänzungswünsche
1.	Tourismuswirtschaft (Seite 10)	Den Ferienwohnungs- bzw. Ferienhauseigentümern ist es ein grosses Anliegen in die Diskussionen und Entscheide zur Gemeindeentwicklung miteinbezogen zu werden.
2.	Tourismuswirtschaft (Seite 11)	Ein Tourismusedirektor in Vollanstellung, der vor Ort präsent ist, muss das Ziel sein. Die heutige Lösung ist nicht befriedigend.
3.	Umwelt (Seite 16)	Der "Überprüfung der Grösse der Wildruhezonen bzw. der Schaffung von Korridoren" (Priorität 4) soll, unter Berücksichtigung der Meinung der Bevölkerung und Wichtigkeit für den Tourismus, eine höhere Priorität beigemessen werden.
4.	Soziales (Seite 17)	Im Tujetsch ist das Angebot an Wohnungen, welche den Bedürfnissen von Familien entsprechen, beschränkt. Allenfalls wäre es angebracht, wenn die Gemeinde die Realisierung von Wohnraum für Familien unterstützen würde. Vorstellbar wären Kooperationsmodelle zwischen der öffentlichen Hand und privaten Interessenten.
5.	Rahmenbedingungen (Seite 20)	Das Ladensterben wirkt sich negativ auf die Attraktivität eines Standortes aus. Es stellt sich die Frage, ob die Gemeinde Unterstützungsmöglichkeiten für den Erhalt bzw. die Schaffung eines diversifizierten Ladenangebots prüfen sollte.
6.	Rahmenbedingungen (Seite 20)	Der "Prüfung von Möglichkeiten zum Outsourcing von Gemeindeaufgaben" (Priorität 4) soll eine höhere Priorität beigemessen werden.

7.	Rahmenbedingungen (Seite 20)	Der "Unternehmerbefragung" (Priorität 3) soll eine höhere Priorität gegeben werden.
8.	Gemeinde als Organisation (Seite 23)	Eine Fusion wurde anlässlich der Workshops als momentan nicht erwünscht eingestuft (Priorität 3). Trotzdem hat das Gemeindeparlament den "Abklärungen bzgl. einer Gemeindefusion in der Sursassiala/Cadi" eine höhere Priorität (Priorität 2) beigemessen. Diese Massnahme soll, wie von der Bevölkerung gewünscht, auf Priorität 3 zurückgesetzt werden.

3. Anträge des Gemeindevorstandes

Bezüglich der obgenannten Anliegen bzw. Änderungs-/Ergänzungswünsche stellt der Gemeindevorstand die folgenden Anträge:

Nr.	Themenbereich	Antrag Gemeindevorstand
1.	Tourismuswirtschaft (Seite 10)	Im Leitbild steht, dass man sich für die Bedürfnisse der Zweitwohnungseigentümer offen zeigt und sich für deren Meinung interessiert. Ein Einbezug dieser Anspruchsgruppe in die Diskussionen und Entscheide zur Gemeindeentwicklung lässt sich jedoch nur in einer sinnvollen Art und Weise bewerkstelligen, wenn sich die Zweitwohnungseigentümer organisieren. Es braucht eine Ansprechperson bzw. einen Vorstand seitens der Ferienhaus- und Ferienwohnungseigentümer, welcher deren Anliegen vertritt und mit welchem sich die Gemeinde austauschen kann. Das Finden bzw. die Evaluation der geeigneten Organisationsform ist Aufgabe der Anspruchsgruppe. Die Gemeinde unsterstützt jedoch diesen Prozess.
2.	Tourismuswirtschaft (Seite 11)	Für die Anstellung des Tourismusdirektors und die Festlegung seines Arbeitspensums ist der Vorstand von Sedrun Disentis Tourismus (SDT) verantwortlich. Der Gemeindevorstand ist der Meinung, dass es nicht sinnvoll ist, die Forderung nach einer Vollanstellung des Tourismusdirektors im Leitbild zu verankern. Es handelt sich um eine operative Angelegenheit, welche SDT eigenverantwortlich, und unter Berücksichtigung der jeweiligen Gegebenheiten, wahrnehmen muss. Antrag: Die Forderung nach einer Vollanstellung des Tourismusdirektors soll nicht im Leitbild berücksichtigt werden.
3.	Umwelt (Seite 16)	Angesichts der Wichtigkeit für den Tourismus teilt der Gemeindevorstand die Meinung, dass der "Überprüfung der Grösse der Wildruhezonen bzw. der Schaffung von Korridoren" (Priorität 4), eine höhere Priorität beigemessen werden soll. Antrag: Die Priorität der "Überprüfung der Grösse der Wildruhezonen bzw. der Schaffung von Korridoren" soll von 4 auf 2 geändert werden.

4.	Soziales (Seite 17)	Die Realisierung von Wohnungen für Familien mit Unterstützung der Gemeinde wurde anlässlich der Workshops nicht explizit eingebracht. Im Grundsatz ist im Leitbild festgehalten, dass "eine Strategie zur Ansiedlung von Einwohnern/Steuerzahlern aufgrund der peripheren Lage und des regionalen Arbeitsplatzangebots als nicht zielführend beurteilt wird", dass jedoch "flankierende Massnahmen, die die Qualität des Wohnstandorts verbessern, gezielt geprüft werden". Entsprechend dem genannten Grundsatz, ist es die Aufgabe der Gemeinde dafür zu sorgen, dass der Wohnstandort attraktiv bleibt (Rahmenbedingungen). Der Gemeindevorstand vertritt die Meinung, dass die Realisierung von Wohnraum für Familien eine Aufgabe der privaten Interessenz bleiben muss. Die Gemeinde soll solche Projekte im Rahmen ihrer Möglichkeiten unterstützen, jedoch nicht mit Investitionsbeiträgen. Antrag: Die Unterstützung der Realisierung von Wohnraum für Familien mit Gemeindebeiträgen soll nicht im Leitbild berücksichtigt werden.
5.	Rahmenbedingungen (Seite 20)	Es ist unbestritten, dass das Ladensterben einen negativen Einfluss auf die Attraktivität eines Standortes hat. Finanzielle Beiträge der Gemeinde zur Strukturerhaltung sind nicht zielführend. Der Gemeindevorstand begrüsst jedoch die Prüfung anderer Unterstützungsmöglichkeiten (Rahmenbedingungen). Antrag: Ergänzung des 3. Leitsatzes auf Seite 20: "Zur Förderung des einheimischen Handels und Gewerbes...". Zudem soll die Massnahmen-/Projektliste mit dem Punkt "Prüfen von Unterstützungsmöglichkeiten (keine finanziellen Beiträge) für den Erhalt bzw. das Schaffen eines diversifizierten Ladenangebots" mit der Priorität 3 und der Verantwortung beim Gemeinderat ergänzt werden.
6.	Rahmenbedingungen (Seite 20)	Der Gemeindevorstand ist einverstanden, der "Prüfung von Möglichkeiten zum Outsourcing von Gemeindeaufgaben" (Priorität 4), eine höhere Priorität beizumessen. Antrag: Die Priorität der "Prüfung von Möglichkeiten zum Outsourcing von Gemeindeaufgaben" soll von 4 auf 3 geändert werden.
7.	Rahmenbedingungen (Seite 20)	Der Gemeindevorstand teilt nicht die Auffassung, dass der "Unternehmerbefragung" (Priorität 3) eine höhere Priorität beigemessen werden soll. Es ist primär die Aufgabe der Unternehmer, sich zu organisieren und ihre Anliegen gegenüber der Gemeinde zu formulieren. Antrag: Die Priorität der "Unternehmerbefragung" soll nicht geändert werden.

8.	<i>Gemeinde als Organisation</i> (Seite 23)	<i>Der Gemeindevorstand ist aufgrund der Diskussionen anlässlich der Workshops auch der Meinung, dass die Priorität 3 für die “Abklärungen bzgl. einer Gemeindefusion in der Sursassiala/Cadi” angemessen ist.</i> <i>Antrag:</i> <i>Die Priorität der “Abklärungen bzgl. einer Gemeindefusion in der Sursassiala/Cadi” soll von 2 auf 3 geändert werden.</i>
----	---	--

4. Nächste Schritte

Nach der Verabschiedung und Inkraftsetzung des Leitbildes durch das Gemeindeparlament wird dieses übersetzt, gestaltet, bebildert und breit gestreut (Haushalte, Unternehmen, Partner etc.).

Anhang:

Leitbild